

# Ўнн седкләсн

В. НИКИТИН,

Госбанкин республиканск конторин кӧдләч

Хальмг танъгъч Хальмг Автономн Советск Социалистическ Республикд хуврагдлгън — келн-әмтнә ленинск политикн диилвр болджана. Тегәд бидн эврәннь республикин Деед Советд сунъгъх зӧвән эдләд, октябрин 19-д сунъгъвр кех зӧвтәвдн.

Госбанкин Хальмг республиканск конторин коллектив эврәннь хургтан, Элстин мехпекарнин кӧдлмшчнр болн цергләчнр мастерин дарук Кортанова Хара-Кюкиг Хальмг республикин Деед Советин депутатин кандидатд сунъгъврин 5-ч округар темдглсинь нег дуугъар дӧнънцхәв.

Ур Кортанова н и д н и н

джиләс авн мехпекарнъд кӧдләд, ӧмн нӱурт йовдж, әмтнд үлгӱр болна. Ӗдриннь даалгъвран данъгин давулдж кӱцәгъәд, әмтиг сән, ӧӧдән чинртә ӧдмгәр теткх ноолданд шунлттагъар орлцна.

Ӗдгә цагт ӱр Кортанова мастерин эрдм дасдж, чадмг медрлтә кӧдлмшч болхар шунджана.

Госбанкин республиканск конторин кӧдләчнрин нерн деерәс, сунъгъвр болх ӧдр, Хальмг АССР-н Деед Советин депутатин кандидат Кортанован тӧлә сунъгъврин 5-ч округар дуугъан негн мет ӧгтхә гидж дуудджанав.